



Pamebham

'Nimlo : 006 'Su : 'Kplotēi :

-Kwe : 2005

'su -bha 'sëedhe -mü

Blowo

-Wo kpö =bhlëzë

'Wuntao bə 'sëedhe =ne
-më -kë 'ö =bëen ü -de -wo 'gü i ?

-Më -kë 'ö 'wo- =bëen- =Dan -wo
'sloo 'gü i ?

-Më -kë 'ö yaa =bëen' - 'kwi -wo
-nu, =glë'- -wo -nu, 'Lüma -wo -nu
-an gbë 'gü i ?

-Wo =vava -nu 'ö 'kwa -an 'tə pö
bhë, -wo -an -dö 'kpongtaadhe
-todhösü 'gü, -an -bha -kë =bhlëzë
-sü bhë, -wo -zön 'kpongtaame
'kpekpe wö 'dhiö -sü 'ka.

-Yö -dhe -ma -kun 'pö kö 'kwa-
-zön =ne kwa 'kpö -wo 'ö =Danwo
'ka bhë, -yö 'bhee-, 'yö- -bha kö -a
-bha -kë =bhlëzë -sü bhë 'kwa-
-zön me -nu dhë =ne -kö 'ö -wo me
'wo to 'kwa -an -bha 'wun ma -a 'ka
bhë -a 'dhö.

-Wo -nu 'ö -Zlan -ya -da
'kongtaa bhë, -a 'bhaa gbë 'yaa

Kwa -bha =Dan-se 'gü -wun

Kwa -bha 'sëedhe -dëü -dëü
=plëzë -nu -wo =bëen' -sü 'gü kwa
-de -wo 'gü. -A -blëzë -yö -gban
=zuö' 'gü bhüö -dhebo -kö -bha.
'Sëedhe bhë, kwa-bha 'sëedhe

'Sëedhe =ne -a =bëen -sü -gen tə -më -ε?

=bhlëzë -yaa zië ö 'bha -ta. Pë 'yi-
-dhe ka -gö 'ö tə kö me 'ö -dhö -yö
ö -de -wo 'sü -së =ne -kö 'ö -wo me
'wo to 'wo- 'ka -a 'dhö. -A -wun 'gü
-yö -dhe -ma -kun kö ü -de -wo bhë
'ü- =daan'.

-A -wun 'gü, yi -bha me -nu
-wun 'gbeezë, 'wuntao bə 'sëedhe
=ne yi- -bho göu 'dhö kö pë 'ö-
-wun to kwa -gö bhë, -ya -ta pa ;
'iin 'zü kö 'wun -nu 'wo kë -na
kwa -bha =daanwo pö 'pian -ta oo,
Kativöa -se 'gü oo, 'iin
'kpongtaadhe 'kpekpe 'gü kö =kun
'kwa dho -ya kwa tii -bha -a -wun
'gü.

=Ya 'gomü, -yö -së kö 'ü- kë =ne
göön- 'wo- 'tə kpö Samali mi këwun
-sëezë 'ka bhë -a 'dhö. Göön- 'ö bhë
-yö -kpën me do -bha ziandhö kö
këpëyaame -nu =waa- -gi, -yö

waannu -sü 'ka -kpinng 'dhiö. 'Yö-
sü 'yö dhoë 'wo- 'dhe -kë 'yö -kë
'pönöpönö. =Ya kë -be Samali mi
=ne yaa nu me 'wo- -gi bhë -a -dhë
-be -më 'ö dhoë- kë -o? Göön- 'ö
bhë, -yö -dhö -ga zian -ta 'kpaan
'waawa.

-A -gen tə 'ö =ya kë ne ü 'ka ü
-de -wo =bhlë -ya -a -bha, 'töng
'bhaa -dhö dö 'ö =dhöng 'ö go 'se
-ta.

=Ya 'go mu, me 'ü ü -dewo
=bëen' -dhe dö, ü -möö 'ü dö ü
-yayö -gban -gö. -Bhö kë =ne
Samali mi 'dhö, 'ü nu -a -dhë. =Ya
kë =ne 'wun 'bhaa -yö ü -gö kö
'üën- =blë'- yi -dhë, yi -bha dresü
'ö =ne :

08 B.P 857 Abidjan 08



'sëedhe -dëü -dëü -nu -bho göu -sü.

=dhiëköa -me -nu 'wo- =bëen' -sü
'gü, 'yö me =daan' -pë -së 'ka. Yi -a
-wun -blëe ka -dhë, kö 'kaan ka -de
-pë kë 'kaan- ka -bha 'dhö -a -yö
piaan 'töng 'ka.

'Iin 'zü, 'sëedhe 'në -nu 'ö
-an 'tə -bhüö -nu 'dhö =ne, kwa
-bha 'sëedhe =bëen' -me -nu =wa
bhö yën -sü -bha -a -bha.

L'orthographe DAN Blowo

Voici ce que nous pouvons prendre pour savoir lire et écrire en langue Dan.			ε	'pë	déchirer	ö	pö	dire
Les consonnes et les voyelles que vous ne voyez pas ici sont les mêmes qu'en français.			εε	=dëe	aujourd'hui	öö	=töö'	panier
Attention:				=sëe'	natte	u	'su	lune
1. c, h, j, qu et x n'existent pas en dan.			en	-gen	pied	un	bun	corps
2. r ne se trouve jamais au début d'un mot.			een	=gbëen	long	uun	'yuun	asticot
Voici le reste de l'alphabet :			'ë	'pë	credit	ü	'gü	intérieur
Lettres	Exemple	Traduction	ao	'kao	daba	üü	=glüü'	frotter
Aa	'kaa	gale	ëën	=klëën	entourer	üö	'güö	brûler
An	'gan	tirer	ea	'kpea	sec	öü	=bhöü'	tarir
Aan	=saan'	cadeau	ean	gean	scorpion	-Wo 'dho -kö (Les tons)		
ao	kao	perdrix	gw	-gwö	caillou	1 'lü	ton Haut	arbre
aön	daön	araignée	in	'bin	fleur, image	2 dë	moyen	père
bh	-bho	cabris	iin	'iin	ou	3 =zë	bas	termite
dh	dhe	mère	ee	'gbee-	fort	4 -tə	Tombant	Poule
ë	dë	père	kw	=kwaa-	main gauche	5 lan-	moyen + tombant	Soleil
			ng ¹	gbeng	nuit	6 'Zlaa-	haut-tombant	Petit frère
			oo	'too	sauce	7 =glaa-	Bas-tombant	Palmier
			o	-dho	amour	8 =laa'	Bas-moyen	Panthère
			ö	=wöw-	singe	9 =See'-	Bas-moyen-tombant	orange
			ön	'yon	huile			
			öön	=Söön	comportement			



'Kativaa -se 'gü -wun

'Wun 'ö -ghan gbadhe -ka yaa -bha.

« Me yaa yuö kē, kō =kun 'ö pē -bhö. » -Wo kpō =ne -yö -go -Zlanwo 'sēēdhe 'gü, 'yö bō me 'bhaa -nu 'dhi -an -bha -naazoēdhe -zōn -sü 'ka me -nu 'wo -dhōkē kō 'wo wo -bha -tosēadhe kē wo 'bhaō -nu gban -ta bhē -an -blü 'gü. =li- 'wun giagia 'ka, me =plēēzē =wa wo -de nu gba -dhe -sü -dhē, =waa -kē -dho -an -dhē -me giagia -nu waa- -an me 'wo -a =sua -zē, 'wo 'wēü-

-sü me 'gü -me 'kpaan 'ka -an -bho 'kou kē -dhe =ya kē 'gbee- -A 'bhaa -nu =ya kē, =blēēdhe 'dhō -sü -wun 'wo- =blēē, 'yaa 'dhō kō 'mōbhli =saan' -ta pa -sü -mü, 'iin 'zü kō -an 'tōsiōdhe 'bhaa -mü, 'yaadhō 'zü kō =duē -gludhēme 'bhaa -mü -an 'ka 'ö dhoē 'dhiö... Pē 'ö 'wo dhoē- kē kō -wo =sua kē me -go 'dhiwo 'nēene 'ka 'wo- -zian =mēē -kplawo. -A -kē 'dhō -sü

bhē me 'bhaa -nu =wa -püō -an -bha 'sō -nu 'gü, 'wēü -sü me 'gü -kō =suu' -bhē -a 'ka. -A me 'bhaa -nu -bha tō 'pō yi -dhō yi -bha 'dhō -siēgüdhe -kē. 'Kēēkō -Zlan -kō 'gü -dhe -nu -bha, 'waa me =daan 'wun =suu' -bhē -a 'ka, 'iin 'waa me =faan' 'mē -a 'ka. Pē 'ö me =daan -a 'ka 'ö tō -dō 'yename -gbango -sü. Müü 'sēübhome -de 'pō, 'waa me =daan' 'wun =suu' -nu bhē -an 'ka,

-dewo -wo -dō -a -go 'yēnng 'pō.

Bhii gba -dhe -kō =suu' -ne =sōōn yaa -mü -Zlan wō 'dhiö. -Dho 'yename -dhē -sü bhē, yō =ne 'ö -sē, 'yō 'ko trēnng 'piö, kō pē 'ö -bhawun -yōē -pē 'ka, -yaan kē -a 'ka. 'Kēē -a =dhe 'wo- kē -na zlöō =ne, =ya =siē' -kōa. =Wa me dō -gbōu dhō, =kwa kwa -zo kē kwa -de 'piö kō =kun 'kwa dho -püō -an -go 'sō 'gü.

'Se 'gla -wun waa - Me =slō -pē -wun

'Wun 'ö -ghan -zo kē kwa -bha blii -wun 'piö -sü -bha.

Biö 'ö -kē kwa -bha 'se =ne -a 'tō -gbaan 'ka bhē, -wo 'wun 'gbee- 'gü kwa -go blii -nu 'gü 'tōng =ne -a 'ka. Wü =suu' -ta -nu 'wo bhē, 'ö sü -kwe 'gblan -bha, -wo 'to -na 'tee. 'Ö sü 'blü kē -sü tōng -da -sü -bha kwe -vuudo =kēnng 'seisiē 'gō -'slaple ö ga -yiisiē (1974) 'ka, biö -wü -blükē -sü -yō =tun dho 'dhiö -kplawo, 'wo -'sōn -nu 'dhōdō 'iin 'zü

'wo- nēnng -nu -bhō Giagia 'ka, wü bhē -yō me -nu -bha pē =dheēdhe -nu 'gü -siö 'ö- -wun 'gü me -nu -wo -a -blü kē, 'kēē, =ya 'sü -a =nēnng -bha, -a kwi -nu waa -a bun -dhe bhaa -dhe -nu, =wa -an =kaan' -'kōē, 'nē 'kpō =blēēdhe -mu. -A gbo bhē, 'yua =plēēzē 'dhe -mü. -A weng bhē 'ö 'blükēme 'bhaa -nu 'wo -an -dhe -na dozo -nu bhē, -an

-bha 'piigbeedhe =kēa' =blēēdhe =kēa' pē 'ka. Pē -nu 'wo bhē 'tōüdhō, -a -wun 'gü, me -nu -wo biö -wü -kē -kplawo. Biö -de 'pō, -a -bha -bhöpē 'ö -bhō -na bhē, waa -a kē -wun =plēēzē -wo -zokē blii 'piö -sü -bha -kē =bhlēzē -sü -zōn kwa -dhē. Sō -nu, 'lū ga =plēēzē -nu, 'dhe -nu 'ö -bhō, 'ö- gbo bhē, 'yō pē =bheē -pē 'ka. 'Ö söga -nu,

'lūga -nu 'wo =sia, 'wo bho -a gbo bhē -a 'gü, 'wo -kē =glaa- -lū, 'iin 'lū =vava plēēzē -nu 'ka. Pē -nu 'wo bhē, -wo -zokē blii 'inn biö -nu 'piö -sü -zōn kwa -dhē, kō =kun 'kwa dho blii -nu -ta -lo 'waawa, kō =kun 'ö 'kwa biö -nu zē 'pō 'kpaan -an -bhō -sü -wun -dhē. 'Ö tō -yō -nu kwa dhē blii -nu -to -sü 'gü kwa -bha 'segü.

'Kpongtaadhe -wun

'Kosüdhe yaa 'ö 'ploozē.

'Segō 'wo- -dhe esüpanyō bhē, -a 'gü -me -nu -wo 'ta -sü -a -zōn -sü 'ka =ne 'kosüdhe =suu' -'ö gōōn -nu =ple -bha 'ko -sü -sü 'iin 'zü dhoonu =ple -bha -to 'ko -nu -go -sü 'ö 'wo 'kwē po -a -go bhē, 'yaa -sē. Me -nu 'wo bhē -an -bha 'ka, 'kosüdhe =suu' -bhē, -yō 'gianzē, 'iin 'zi -yō 'kosüdhe 'ö -kē =ne

bhō -sü 'dhō -a 'ka, 'iin 'zü -yō 'yee -zē. Bhii, 'kosüdhe =suu' -bhē, 'ö -a -me =ple 'wo bhē 'wo do, gōōn -nu 'sloo, 'inn dhoonu 'sloo 'ka -a 'ka bhē, -a -bhōa gbe 'yaa -dhō 'kpongtaa. -A me =ple 'wo 'dhō bhē, -yō -ga -an 'gü 'pō =ne 'wo mōa -'wo 'nē 'kpō.

'Segō 'bhaa -nu =wa 'kwēpo 'kosüdhe =suu' -'ö -a me =ple 'ple bun 'dhō do bhē -a -go. =Wa wo -wo bho me -nu -ta kō -an me -nu bhē -an -bha 'nē -nu -wo kē -dhō.

'Wo- pō me 'bhee- -bha -ya ö de 'flēē- 'gü -sü bhē, pē 'ö -dhi -a -dhē 'ö dhoē- kē, -a -wun 'gü, tōng =dōa' -mü kō -yō ö

-wo bho -an -ta 'wun =suu' -bhē -a 'pa =taa, 'kō -de -kē =ne -yō lē- -wun 'ka 'ö -ye mēa- 'dhee -wa kē. -Tosēadhe me =ne kwa dhoē- pō =dhē -a -wun 'gü i ? Kwa -mōa 'kwa- pō 'kpongtaa -dhe =ya yō yaan =a ?



-Naadhe 'blənzē kē -sü.

'Kpongtaame -nu -bha toseadhe =ya yō yaan 'blənz- dhē zlöö. -Ka -dhe -ga 'wun kē -kə =suu'- =ne -a 'piö 'dhe. 'Wun =ne -yö -kē Izlelō 'se 'gü, gənz- do bhē, 'yö pö ö -bha dhebo -yö -fēē kē -na ö -bha =duö 'wēü- -wun 'ka. 'Yö 'siö -da wo -bha 'wēü- -da -dhe 'gü, 'ö- -ma 'wēü- 'ö -da mliən =kēng' yaaga 'gü bhē, 'yö- 'plē -güö 'töüdhö. 'Siö =dhuume -nu 'wo nu bhē, =dhe 'wo -lo -an -ma 'tēēpa -a =löö 'lü =dhēdhö, 'wo 'wēü- 'dhe 'güö -pin yō, 'ö- mē do -ya pö : « =dhe 'a -ya yuö kē -sü -bha, -a -kwe 'gəz- yaaga 'ö ga 'slado 'ö =ne, 'blənz- kē -kə =suu'- =ne n 'ka- yō do. » Gənz- =ne so 'ö -da -a 'gü a ? -A -bha dhebo -yö -tazəndhe kē ö =gənz kē -sənz -wun 'gü ; polisü -nu -wo -dhega -na -dhidhaa -wun bhē -a 'gü. Kwa -piēn -bə 'kwa- pö : -naadhe -yö -dho mē 'ka, 'kēē 'yaa nu mē 'ka. -Naadhe 'blənzē =suu'- =ne -yö ya.

'Wun 'ö-gban -potaasü-wun -bha.

'Kozē dən yaa 'ka -sü

Dən yaa -yö mē zē -na -yö 'dho -na -a 'ka 'dhiö -kplawo. -Kwe 2004 'ö 'kwa go -a 'gü =ne, -mē -lü -vuu 'gəzplē, mēlü =kēngg -yiisiē waa mē 'gəzslaple ö ga 'seisiē 'wo Dən yaa yō -an -bha. 'Kēē kö -kwe 2003 'ka bhē, mē -vuu 'gəzdo 'ö ga 'slaple waa mē =kēngg do ö -kə do. -Kwe =plē 'wo bhē, 'kwa-an -zən 'koē, kwa- -yö =ne, 'yua bhē, -yö 'dho -na 'dhiö. 'Wun bhē -yö 'siö -kan mē 'glu -wun 'ka. Pē 'ö kwa -bha 'dhiösüsekame -nu -bha -zota -a 'gü -wun 'ka =dēē 'ö tō kö -a 'yua bhē mē -nu 'yö -an kē -na bhē -wo -an yō =va 'ka kö -waan -an 'dhe kē, kö -waan kē 'pönöpönö. -A -wun 'gü -kəlokota =va do 'wo- -dhe 'kpontaadhe -dho 'koē- 'wēü- 'wo- -dhe 'kwiwo 'gü : fən mändialö (fond mondial) bhē, -wo blēdhē 'ö- =saan' -da mliən kēngg do ö -kə 'slado (160.000.000) 'gü bhē, 'wo- gbaokē. Kö 'kozē dən yaa 'ka -sü bhē, -wo dhoē 'dhiö. =Kwēē- -nu 'wo gbaokē bhē, 'wo =ne : 'məbhli 'slaple, 'sēēdhē -bēēn -a 'ka =mazing 'wo- -dhe 'kwiwo 'gü ədinateē bhē -a 'slado (6), -gbēügbēü 'gəzplē (20), waa dhoonu -bha -de -ta 'kun -pē. 'Wo- pö, -yö -dhe -ma -kun kö mē -nu 'ö 'yua bhē, yaa -an kē =kun, -wo 'dho -wo wo -takun mēē 'sü, 'iin 'zü, mē -nu 'ö 'yua bhē, 'ö -an -bha bhē, -wo -an -bha sō -nu 'tia- -nu 'zlu yi 'siö- 'ka, 'go mü, -wo wo -kə 'zlu 'töng 'saadhö 'ka =saa'- 'ka.

Bha -sü =plēzē

-Badhongzuöme -nu.

-Kəlokota =va 'wo- -dhe ONUCI, 'ö -kē 'segə 'kpekpe -bha -kəlokota 'ka, 'ö 'dhinaa -ya -da 'segə -nu 'gü, 'iin 'segə =plē sonngdhö, 'wo -an -kan 'koē, -a mē -nu 'wo -nu kwa -gə 'se 'gü bhē, =wa wo -bha =ladio 'kə do də, kö -wo 'wun 'ö kē -na kwa -gə 'segü zö, -wa -tao bə. 'Seglawun oo, bha -sü -nu 'wo -kē =ne (-bhadhong -zuö -sü 'dhö), 'wēü- -yö -a 'gü -pē 'slē -dēü -dēü -nu, -wa 'plē -blēē -a -ta. =Ya 'gomü, -wo kwa =faan' -mē kö -ziö mē -ta -sü, 'ko-nu -bhawunto -sü bhē kö 'kwaan- =klang kē, kö -dhikoē -yaan da kwa sonngdhö kö =zuögludhi -yaan nu kwa go 'se 'gü. -Dhe -nu 'ö =ladio bhē 'ö- 'dhiö -yö to -bha 'wo ne : Bigia, Buake, 'Dadhwa, 'Kadhokə, 'Yomoklo, 'Maadhö, =Odiene, =Dauklo, =Bənduku, 'Sanpedro, -Dukwitaa. 'Ka kē -ka ka 'toto -a -bha. =Ya kē 'to -wo 'wun -blēē kwa -de -wo 'gü. Mē 'wo wo 'toto -a -bha -kplawo =wa -da mēlü mliən -yiisiē 'gü 'saadhö. =Ladio 'kə bhē, -a də 'ö -zo -kē 'sepiöme -nu -bha 'slē -zən -mē 'wo =mleken -se 'gü 'wo- wo bhē, -a -gen tō kö -yö kē mē 'saadhö -bha 'toto -a -bha -pē 'ka. Yi ka =faan' -mē kö 'ka ka 'toto -a -bha yi 'saadhö 'ka. Ka zuö =duö ka 'toto =dhia

'Yee -wun

Yi do 'ka, 'ö gənz- =klöö do -yö dho -bhodheā kē =dhia 'ö gbö 'piö 'Kwi -se do 'gü. Gənz- bhē, -a -bha -dho 'kwi =plöö -sü -blēzē -mü. 'Məbhli 'wo -ya -a 'gü bhē, =dhe =wa 'ta 'sü =wa 'dho, 'ö 'məbhli 'ne do -yö -nu 'ö -ziö -an -ta 'wa 'vü dhö. 'Ö gənz- bhē, 'ö- 'yan to -a 'piö 'wa 'dəəndhö, -ya -zo 'piö =ne 'məbhli -nu -wo -kpea -sü =ne mē 'dhö -be. 'Yö- pö : -ö ... 'məbhli 'nē 'ö 'ü =tun 'tee =kun ü -bla -sü -kə 'dhö =ne, 'bha kē =va =sia, ü -dho -bla sü 'zü -ziö =gəzü -sü -zē =duö =dhēē... 'Ö mē -nu 'wo- -wo ma bhē 'wo -pən 'yee 'ka, 'Wo- pö -a -dhē, gənz- =klöö pē bhē -piö -mü 'yaa =kpea.

Kese Alüfənsē

-Piēn

Kwa -bha -de -nu kwa de
-wo -dhē -sü kwa =faan' 'plē 'ka
=naa'- 'ka bhē, 'Gomü 'zü kwa -bha
-kpa pamebhamē -bha -sü 'kwa- pō
-kplawo bhē, kwa- -kē -sē. Kō =kun

<<-A -kun 'gbee mē 'ö =trān -sē yō.>>

'ö kwa 'gü -yō ga -a 'ka. -Kō do 'ö
poo =glöō yō -dhō -yō -tō gōn
-kē -a 'ka, 'ö -dhe -yō 'po -na kō -yō
=dhedhaa bho -na -a 'ka bhē, -kō do
bhē -kwaa kē kō kwa -de -wo pō

-dhō, -a =daan' -dhō waa -a =bēn'
-dhō -yō kwa kē -a 'ka.
-Yō kē 'dhō kō pē 'ö -gban kwa wō
-bha bhē 'kwaan- pē dō -a -bha.

'Wun -tao

1)- 'Sēdhē -be 'nē -nu 'ö -an -yō plaan -sü 'yaa =gbēn gbō 'wo =nē :

1) " Yesu Klito tō 'kpongtaame -nu Dhame "

2) Yesu 'Klito -bha mē =daan' -wo -nu

3) -A mē 'ö -gban 'Lükia -bha mē kē kō waa- -a 'dhe kē -kō -bha 'Wo- dhe : =Gōō- waa- 'lükia

4) 'Yua =plēzē waa- ö 'dhe kē -kō -nu

2)-


=Ya 'go mü 'zü, =klang -sē
'bhaa 'ö -gban 'mē 'ö- =zuō' =ya -gi,
-a 'wun kē -kō 'wo dhoē- kē, kō -a
=zuō' -yaan -püō -a -bha, -a =klang'
bhē 'wo- dhe : « =zuō' 'gü bhüō
-dhe bo -kō ». =Klang' bhē -yō -dho
kē =Daan' 'sēgō 'gü. -A do -yō -dho
kē- -Zuōngwiō, 'su 'ö 'kwa- dhe
'kplotēi 'ö 'kwi -nu-wa -dhe zue

(Juillet) bhē, -a -dhekpāyi 'gōople
ö ga 'sōdhu (25) 'ka 'ö yōē
-dhekpāyi 'gōōyaaga (30) -bha. -A
-da plōō -yi 'ö tō dhekpāyi 'gōople
ö ga -yiisiē (24). 'Ö- do 'bhaa -kē
=Daan' pō- yaandhe gia- -bha.

-A -da plōō -yi 'ö tō
'kpotēi bhē -a -dhekpāyi 31 'ka,
'ö =klang' züdo 'su 'ö 'kwa- dhe

-Dōdhe 'ö 'kwi -ya -dhe Utō (Août)
bhē -a -dhekpāyi -blēzē (1) 'ka, 'ö
dho 'ö yōē -dhekpāyi 'slado (6)
-bha. Mē -nu 'wo ka =dhōkē bhē, yi
ka =faan' 'mē -na kō 'ka kē =klang'
bhē -a -ta =va, 'ö tō pē -sē -ya 'gü
=va.

Pē 'bin =plē 'wo =nē -wo-bhō wo 'koē- 'kē -a do =zaadhe 'slēaga -ya -bha-an =mē'-



'Ka yēn 'sēdhē =nē -a pō -sü -bha -ka ka -bha -zotadhe -nu bō yi -dhē. Yi 'yan -yō ka -bha 'sēdhē -nu -gō.

Mē -nu 'wo 'sēdhē 'ö =nē -a =bēn-an 'tō 'wo =nē Sai Zoiasü, -Kese Mōyan, Zafe 'Dhōōgbō, Valangten
Vidrinō waa- Edhena Pēdhekwalōsōkaya 'wo go Lusi-se 'gü 'ö yōē Hanēsü 'ö go suisü -a -bha.
Yi-bha 'sēdhē kē -dhe 'nimlo 'ö =nē : SIL 08 BP 857 Abidjan 08 Tel : 22 43 12 72